



Siaran
AKHBAR
KEMENTERIAN PERTAHANAN MALAYSIA

MOD.100/2/1/2 JLD 5 (58) 01/07

**PENYAMPAIAN DERMASISWA PREMIUM DAN KOMPUTER RIBA HARGAI
KECEMERLANGAN ANAK WARGA KEMENTERIAN PERTAHANAN**

KUALA LUMPUR, 4 Julai 2023 - Menteri Pertahanan, YB Dato' Seri Utama Haji Mohamad bin Haji Hasan telah menyempurnakan Majlis Pelancaran Karnival Pendidikan ATM, Penyampaian Dermasiswa Premium dan Komputer Riba bertempat di Auditorium Wisma Pertahanan, hari ini.

Karnival Pendidikan ATM yang bermula pada 4 hingga 6 Julai 2023 ini membawa tema Membangun Warga Kerja Pertahanan ke Arah Masyarakat Berasaskan Pengetahuan. Antara pengisian karnival ini adalah pameran pendidikan kepada warga kerja pertahanan yang mana melibatkan institusi pengajian tinggi, kaunseling ATM, perpustakaan dan taklimat pengajian tinggi.

Seterusnya, YB Menteri Pertahanan menyempurnakan Majlis Pelancaran Karnival Pendidikan ATM, Penyampaian Dermasiswa Premium kepada 28 penerima dan pemberian Komputer Riba kepada 64 penerima yang terdiri daripada anak-anak ATM dan veteran ATM. Dermasiswa Premium dan komputer riba ini merupakan antara sumbangan yang disalurkan oleh Yayasan Lembaga Tabung Angkatan Tentera (YLTAT) sebagai tanda penghargaan kepada warga ATM dan Veteran ATM serta ahli keluarga disamping menjadi pemangkin semangat kepada warga ATM untuk meningkatkan pencapaian akademik anak-anak.

Dermasiswa Premium ini adalah merupakan bantuan *one off* sebanyak RM 5,000 khas untuk anak-anak ATM dan anak veteran ATM yang melanjutkan pelajaran ke 100 Universiti Terbaik Dunia. Manakala pemberian komputer riba sebanyak 200 buah telah diperuntukkan bagi inisiatif ini untuk disumbangkan kepada anak ATM dan anak Veteran ATM yang melanjutkan pelajaran di peringkat Ijazah Sarjana Muda di Institut Pengajian Tinggi Awam.

Pemberian ini merupakan salah satu komitmen Yayasan LTAT dalam merealisasikan pelaksanaan dan hala tuju Kertas Putih Pertahanan (KPP) khususnya dalam memastikan hala tuju pendidikan anak-anak warga ATM terjamin menerusi program-program sedia ada yang ditawarkan seperti Skim Penabungan Anak-anak ATM Rukun Kelima (SPARK), Program Sentuhan Elit SPM, Anugerah Kecemerlangan Pendidikan Sijil Pelajaran Malaysia dan Program Bantuan Institut Pengajian Tinggi Awam.

Hadir sama, Panglima Tentera Darat mewakili Panglima Angkatan Tentera, Jen Tan Sri Datuk Seri Mohammad bin Ab Rahman, Timbalan Ketua Setiausaha (Pembangunan) memangku Ketua Setiausaha Kementerian Pertahanan, Datuk Dr. Shahrizat binti Haji Ahmad, Panglima Tentera Laut, Laksamana Tan Sri Abdul Rahman bin Ayob, Panglima Tentera Udara, Jen Tan Sri Dato' Sri Mohd Asghar Khan bin Goriman Khan TUDM, Pengerusi LTAT merangkap Ahli Lembaga Pemegang Amanah Yayasan LTAT, YM Jen Tan Sri Raja Mohamed Affandi bin Raja Mohamed Noor (Bersara), Ketua Eksekutif Yayasan LTAT, Dato' Dr Mohd Nizar bin Hj Sudin, Pengarah Pendidikan ATM, Brig Jen Hj Mohd Shukri bin Hj Mohd Ghazali, pemegang-pemegang taruh, ibu bapa serta penerima-penerima sumbangan.

-TAMAT-

“MALAYSIA MADANI”

“BERKHIDMAT UNTUK NEGARA”

“PERTAHANAN NEGARA TANGGUNGJAWAB BERSAMA”

Kementerian Pertahanan Malaysia

4 Julai 2023